

ACTA DA SESIÓN ORDINARIA DA COMISIÓN INFORMATIVA DE INFRAESTRUTURAS VIARIAS E MOBILIDADE DO 21 DE OUTUBRO DE 2022.

PRESIDENTE: DON XOSÉ CESÁREO MOSQUERA LORENZO

SUPLENTE: DONA IRIA LAMAS SALGUEIRO, substituíndo a Don Gregorio Agís Gómez.

VOGAIS:

DONA ANA MARÍA MEJÍAS SACALUGA
DON SANTOS HÉCTOR RODRÍGUEZ DÍAZ
DON GORKA GÓMEZ DÍAZ
DON CARLOS LÓPEZ FONT
DON MANUEL GONZÁLEZ MARTÍNEZ
DONA ANA LAURA IGLESIAS GONZÁLEZ
DONA IRIA LAMAS SALGUEIRO substituíndo a Olga María García Ballesteros
DON MANUEL ALEJANDRO LORENZO ALONSO
DON JORGE CUBELA LÓPEZ
DON JOSÉ ALFONSO MARNOTES GONZÁLEZ
DONA MARÍA PAZ LAGO MARTÍNEZ
DON IGNACIO MARIL PARDO
DON JOSÉ CARLOS LÓPEZ CAMPOS
DON JAVIER TOURÍS ROMERO
DONA MARÍA ORTEGA IÑARREA substituíndo a Don Uxío Benítez Fernández.

Sendo as doce horas e dezaoto minutos do día 21 de outubro de 2022, reúnese a Comisión Informativa de Infraestruturas Viarias e Mobilidade.

Preside a sesión Xosé Cesáreo Mosquera Lorenzo e asisten as deputadas/os que se relacionan á marxe.

Actúa como secretario, o secretario xeral da Deputación Provincial de Pontevedra, Carlos Cuadrado Romay.

Aberta a sesión pola Presidencia, adoptáronse os seguintes acordos:

1.-Aprobación da acta da sesión anterior (23 de setembro de 2022).

A Comisión acorda por unanimidade aprobar a acta da sesión de 23 de setembro de 2022.

2.-Aprobación do cambio de titularidade e posterior entrega ao Concello de Moaña do treito inicial da estrada provincial EP 1101 Moaña – Verducedo, do PQ 0+000 ao PQ 0+260 (Expediente 2020018903).

A Comisión ditamina favorablemente, por unanimidade, o informe-proposta que se transcribe a continuación:

"Antecedentes:

O Concello de Moaña e a Deputación de Pontevedra asinaron o 23 de xuño de 2020 un Convenio de colaboración para a execución do proxecto de recuperación do espazo público e mellora da mobilidade peonil entre os pp.qq. 1+200 e 1+780 da E.P. 1104 Moaña – Coiro.



Conforme a súa cláusula quinta 5) o convenio ten o carácter de solicitude de inicio do procedemento de transferencia ao Concello do treito urbano de 260 metros da estrada provincial E.P. 1101 Moaña – Verducedo, dende a rúa das Barxas ata o cruce coa rúa Rosalía de Castro (p.q. 0+000 a p.q. 0+260).

O 20 de xullo de 2022 o xefe dos Servizos Técnicos de Infraestruturas e Vías Provinciais informou favorablemente o cambio de titularidade do Concello do treito urbano de 260 metros da estrada provincial E.P. 1101 Moaña – Verducedo, dende a rúa das Barxas ata o cruce coa rúa Rosalía de Castro (p.q. 0+000 a p.q. 0+260), a prol do Concello de Moaña.

Consideracións:

1ª Lexislación aplicable.

Lei 8/2013, do 28 de xuño, de estradas de Galicia (LEG).

Decreto 66/2016, de 26 de maio, polo que se aproba o Regulamento xeral de estradas de Galicia (RXEG).

Lei 7/1985, de 2 de abril, de bases de réxime local (LBRL).

Regulamento de organización, funcionamento e réxime xurídico das entidades locais, aprobado polo Real Decreto 2568/1986, de 28 de novembro (ROF).

Real Decreto 128/2018, de 16 de marzo, polo que se regula o réxime xurídico dos funcionarios de Administración Local con habilitación de carácter nacional.

2ª Motivación.

O 20 de xullo de 2022 o xefe dos Servizos Técnicos de Infraestruturas e Vías Provinciais, informou favorablemente o cambio de titularidade a favor do Concello e estimou o valor patrimonial da vía obxecto da presente proposta de cambio de titularidade en 920.833,00 €.

No informe emitido motivase o cambio de titularidade dando cumprimento ao establecido nos artigos 9.5, in fine da LEG e derradeiro parágrafo do artigo 18.2 do RXEG. Así, sinalase que "O treito inicial da estrada provincial E.P. 1101 Moaña – Verducedo, do p.q. 0+000 ao p.q. 0+260, discorre por solo clasificado polo planeamento urbanístico de Moaña como solo urbano, ademais, este treito está situado nun entorno de carácter e funcionalidade urbana que conta con edificios en altura de vivenda colectiva e baixos comerciais, beirarrúas, bandas laterais de aparcamento, alumeadado público e o resto de servizos urbanísticos, polo tanto, trátase dun treito de viario que na



actualidade conta cunhas características funcionais, de servizo e de utilidade equivalentes ás propias dos viarios ou rúas municipais”.

3ª Administración competente para a aprobación do cambio de titularidade e procedemento.

Trátase da modificación na titularidade dun treito urbano de 260 metros de lonxitude, mantendo a cualificación de dominio público.

O artigo 9.4 da LEG e o 18. 1 do RXEG establece que os cambios de titularidade de estradas ou treitos delas, cando non se trate de travesías urbanas ou treitos incluídos no inventario de travesías da súa administración titular, deberán ser aprobados por Decreto da Xunta de Galicia, logo do acordo das administracións afectadas.

De acordo co artigo 9. 6 da LEG 18.3 do RXEG os decretos polos que se aproben os cambios de titularidade publicaranse no Diario Oficial de Galicia (DOG) e serán efectivos dende o día seguinte ao da súa publicación.

A formalización realizarase mediante acta de entrega subscriba polas administracións interesadas (art. 18.6 RXEG). De selo o caso de que no prazo de tres meses dende a publicación do decreto de aprobación do cambio de titularidade, non se asinase a acta de entrega polas administracións cedente e cesionaria, abondará con que a primeira a asine unilateralmente, facendo constar o ofrecemento formal, para entender formalizada a cesión para os efectos derivados da mesma (art. 18.7 RXEG). As actas de entrega publicaranse no DOG e no Boletín Oficial da Provincia (BOP), para os efectos do seu coñecemento por terceiros.

O artigo 33 2 º da LBRL establece que lle corresponden ao Pleno da Deputación as atribucións que esixan para a súa aprobación unha maioría especial. De acordo co artigo 47.2 º) precísase quórum de maioría absoluta do número legal de membros das corporacións locais para a adopción de acordos de cesión gratuíta de bens das entidades locais.

Igualmente, de acordo co artigo 70.14 do ROF, correspóndelle ao Pleno da Deputación a adquisición de bens e toda transacción sobre os mesmos, así como o seu alleamento e calquera outro acto de disposición incluída a cesión gratuíta a outras administracións.

Conforme ao disposto nos artigos 3.3.a) e 4. 1.b 5º do Real Decreto 128/2018, de 16 de marzo, polo se regula o réxime xurídico dos funcionarios de Administración Local con habilitación de carácter nacional, son preceptivos os informes da Secretaría e da Intervención.



Polo indicado, propónse ao Pleno da Corporación a adopción do seguinte acordo:

Primeiro.- Aprobar o cambio de titularidade a favor do Concello de Moaña do treito urbano de 260 metros da estrada provincial E.P. 1101 Moaña – Verducedo, dende a rúa das Barxas ata o cruce coa rúa Rosalía de Castro (p.q. 0+000 a p.q. 0+260).

Dito viario incorporárase á relación de estradas de titularidade do Concello de Moaña tal e como sinala o artigo 10.6 da Lei 8/2013, de estradas de Galicia.

Segundo.- Trasladar o expediente á Xunta de Galicia para a súa tramitación segundo o disposto nos artigos 9 da Lei 8/2013, do 28 de xuño, de estradas de Galicia e 18 e seguintes do Decreto 66/2016, de 26 de maio, polo que se aproba o regulamento xeral de estradas de Galicia.

Terceiro.- Facultar á presidenta da Deputación de Pontevedra para a sinatura da acta de entrega entre o Concello e a Deputación”.

3.- Rogos e preguntas.

Non se formulan.

Non habendo máis asuntos o presidente levanta a sesión sendo as doce horas e vinte minutos do que eu, secretario, dou fe.

Documento datado e asinado dixitalmente á marxe.

